



**UPA 2104/ 110.1**  
**08. april 20154**  
Ane Hansen

**Raajarniarnermi qalunut ristit atorineqartartut susassaqtartut peqatigalugit nalilersuiffigeqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Tassani raajarniarnerup inuussutissarsiutaanerata pitsangorsarnissaa piujuaannartitsinerlu ataavartumik ingerlanneqarnissaa siunertaalutik.**

(Inatsisartunut ilaasortaq Saxdorph Didriksen, Siumut)

Siullermik oqaatigissavara siunersuuteqartup Inatsisartuni ilaasortap Saxdorph Didriksen Siumut oqaluuserisassangortitaata siunertaa ersarlummat sunarpiarlu siunertarineqarnerisooq paasiuminaammat ersarinnerusumik nassuiatissartaa amigaatigigipput, siunnersuummi piujuaannartitsineq ataavartumik ingerlanneqarnissaa siunertarineqarnerisooq imaluunnit raajarniarnermi qalut ristiisa atorunnaarsinneqarnissaat siunertarineqarnerisooq ersarinnerusumik nassuiarneqarsinnaagaluartutut isigigipput.

Aamma raajarniarnermi ristit suna siunertaralugu nunallu tamalaat akornanni isumaqatigiissutit niuveqatigiinnikkullu piumasaqaataasut suut naammassiniarlugit raajarniarnermi ristit atuutilersinneqarsimanerat pillugu Naalackersuisunit akissuteqaammi nassuiaasoqanginnera ippinnartutut isigigaarput. Naalackersuisuniit siunnersuummut akissuteqaataanni oqaatigineqaannarpoq raajarniarnermi immikkortiterissutit ukiup 2000 nalaani atorineqalersimasut.

Naalackersuisut akissuteqaamminni nassuiarnerusinnaagaluarpaat piujuartitsineq siunertaralugu aalisarnerup teknikkikkut iluarsartuussiffineqarnera pillugu Nammersornerullutik oqartussat Nalunaarutaat nr. 39, 6. dec. 2001-mi atuutilersinneqartup suna tunngavigineraa aammalu sooq kingullermik Nalunaarut nr. 12, 17. november 2011-mi nutarterneqartariaqarsimansooq. Nalunaarutimmi taakkua eqqartukkakka soorunami peqquteqarluni atuutilersinneqarput. Kingullermillu 2011-mi piujuartitsineq siunertaralugu aalisarnerup teknikkikkut iluarsartuussiffineqarnera MSC-mik meqqilersuinerup atuutilersinneqarnissaanut piumasaqaatinut naammassinniniarluni allangortinneqarpoq.

Nalunaarutit atuutsilersinneqartartut Aalisarnermi Naalackersuisoqarfiup kattuffiit attuumassuteqartut peqatigalugit ataavartumik nalilersorneqartarnerat takornartaangilaq. Naatsorsuutigaarpullu maanna aamma Naalackersuisuusut tamanna ingerlattuartaat aammalu kaammattuutigiin-

nassavarput Naalakkersuisut atuisullu sinniisaat kattuffiit attuumassuteqartut peqatigalugit nalilersuinertik ingerlattuartaqqullugu.

Pingaaruteqarpormi piujuannartitsineq siunertaralugu aalisarnerup teknikikut iluarsartuussiffigineqarnera malinnaavigiuannassallugu aammalu atortorissaarutit pitsangoraluttuinnartut ineriartornerat malinnaaffigiuqqullugu. Soorlu aamma ilisimagipput Aalisarnermi Naalakkersuisoqarfiup aalisarnermi atortutigut saqqummersitsinernik malinnaaffigiuartaraat, tamatumalu ingerlatiinnarnissaa kaammattuutigeqqiinnassuarput.

Naggataatigut Naalakkersuisut siunnersuummut akissuteqaataanni oqaatigineqarpoq tusarniaasoqarsimasoq akissuteqaammilu tusarniaanerit qanoq oqariartorfiusimanersut eqqaaneqangimmata ilangullugit apeqqutigisuaqut, immikkullu raajarniarnermi ristit atorineqarnerat nalilersortariaqalersimappat soorunami nalilersuinerup ingerlanneqarnissaa kaammattuutigeqqipparput.